



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

56. Indulta ab Innocentio &c. Decretum quo Officium S. Hedwigis Reginæ  
Poloniæ Viduæ sub ritu semiduplici de præcepto in Ecclesia universali  
celebrari statuitur.

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)



VI.

## DECRETA GENERALIA.

Circa Rubricas.

**C**Um Sacrorum Rituum Congregationi demisso supplicatum fuerit sequentia dubia declarare.

Primum. An, cum multis Congregationibus, Religionibus, sive Ecclesiis, vel Nationibus concessum sit à Sancta Sede Apostolica, ut semel, vel pluries in singulis hebdomadis, vel mensibus celebrentur varia Officia per annum, V. G. de Sanctissimo Sacramento, vel de Sanctis in diebus non impeditis aliquo Festo duplici, vel semiduplici, liceat ejusmodi Officia facere etiam in diebus sanctæ Quadragesimæ, adventus, Vigiliarum, & Quatuor temporum, etiam si de his diebus nulla sit facta specialis mentio in aliquibus Officiorum concessionibus?

Secundum; An dies impeditus Festo duplici, vel semiduplici pro dictis Officiis recitandis, intelligantur etiam dies, in quibus ponendum est Officium de Festo duplici, vel semiduplici translato, quemadmodum dicitur responsum fuisse olim à Sacra Congregatione; Quod scilicet Festum duplex, vel semiduplex etiam translatum necnon dies Octavæ sit dies impeditus respectu talium Officiorum?

Tertium. An Regulares absque speciali privilegio, sed solâ communicatione privilegiorum aliarum Religionum possint addere nomen Sancti Fundatoris in Litanis, & Confiteor, itemque recitare Officia, & Missas concessas aliis Religionibus.

*Sacrorum Rituum eadem Congregatio ad relationem Eminentissimi, & Reverendissimi Domini Cardinalis Colloreda respondit.*

*Ad primam negativè, & hujusmodi indulta non habere locum in feriis Adventus, Quadragesimæ, Quatuor temporum, Vigiliarum sive cum jejuniis, sive absque jejuniis nec in feriis secundæ Rationum, nec in illa feria, in qua secundum Rubricas sit reponendum Officium Dominicæ.*

*Ad secundam affirmativè.*

*Ad tertiam negativè in omnibus.*

*Et ita declaravit, ac servari voluit. Ac insuper, ut Declarationes, seu Decreta prædicta omnibus immutentur, typis ea imprimi mandavit. Die 20. Martii 1706.*

G. Card. Carpineus.

B. Inghirami Sac. Rit. Congr. Secr.

VII.

Quo Officium S. Hedvigis Reginae Poloniae Viduæ sub ritu semiduplici de præcepto in Ecclesiâ universali celebrari statuitur.

Urbis, &amp; Orbis.

**I**ndulta ab Innocentio felicitis recordationis Papa XI. sub die decimâ septimâ Septemb. 1680. ad pias preces Sereniss. Joannis Tertii Regis Poloniae facultate recitandi in Ecclesiâ Universali Officium Sanctæ Hedvigis Reginae Poloniae Viduæ sub Ritu semiduplici ad libitum; Sereniss. modò Maria Calimira Regina Poloniae Sanctissimo Domino Nostro enixe supplicavit, quatenus benignè concedere dignaretur, ut Officium prædictum in posterum sub Ritu duplici de præcepto, & cum Oratione propria, aliâ sub die decimâ tertîa Augusti 1701. pro

Congregatione Cisterciensi approbata recitetur, precibusque prædictis à Sanctitate Sua ad Sacrum Rituum Congregationem remissis, & ab Eminentissimo, & Reverendissimo D. Card. Gabrielio relatis, Sacrum Rituum eadem Congregatio posse concedi censuit, ut Officium Sanctæ Hedvigis prædictum, hætenus sub Ritu semiduplici ad libitum recitatum, in posterum cum dictâ Oratione propria, sub eodem Ritu semiduplici, de præcepto tamen, recitetur. Si Sanctissimo Domino Nostro placuerit. Die 20. Martii 1706.

*Et facta de prædictis per me Secretarium Sanctissimo Domino Nostro relatione, Sanctitas Sua benignè annuit. Die vigesima septima ejusdem mensis, & anni 1706.*

G. Card. Carpineus Præfectus.

B. Inghirami Sac. Rituum Congreg. Secretarius.

## DECRETUM.

De prælatione Officii S. Marci Officio SS. Apolorum Philippi, & Jacobi in casu, quo utrumque transferendum erat.

Urbis, &amp; Orbis.

**C**Um anno 1707. proximè futuro Festum S. Marci Evangelistæ occurrat in feriâ 2. post Dominicam Resurrectionis, & similiter Festum Sanctorum Apolorum Philippi, & Jacobi in Dominicâ in Albis, ac propterea, juxta Rubricas, utrumque sit transferendum; Quæsitum fuit à Sacrum Rituum Congregatione quodnam eorum deberet in translatione præferri, & prius reponi. Et eadem Sacra Congregatio omnibus benè perpensis, referente Eminentiss. & Reverendiss. D. Card. Colloredo, censuit præferendum esse Officium Sancti Marci. Et ita declaravit, & servari mandavit. Die 17. Julii 1706.

G. Card. Carpineus.

B. Inghirami Sac. Rit. Congr. Secr.

## DECRETUM.

De Vigiliâ Nativitatis S. Joannis Baptistæ occurrente in festo Sanctissimi Corporis Christi.

Urbis, &amp; Orbis.

**R**emissa à Sanctissimo Domino Nostro Clemente Papa XI. ad Sacrorum Rituum Congregationem discussione dubii.

An occurrente Vigiliâ Nativitatis S. Joannis Baptistæ in die festo Sanctissimi Corporis Christi, anticipato jejuniis vigiliæ prædictæ in diem vigesimam secundam Junii, ad formam Constitutionis 232. san. mem. Urbani Papæ Octavi, debeat in Officio diei vigesimæ secundæ prædictæ, ejusdem Evangelii nona lectio, recitari, & in Officio, & Missa de eadem fieri Commemoratio?

*Eadem Sacrum Rituum Congregatio omnibus benè perpensis, & pluries consideratis, Eminentissimo, & Reverendissimo Domino Card. Colloredo referente: Nihil de Vigiliâ in Officio, & Missa peragendum esse censuit, si Sanctissimo D. Nostro videbitur. Die 18. Septembris 1609.*

Et

1706.

VIII.

IX.